



Broj: T18 0 KT 0019242 26
Brčko, 11.03.2026. godine

Optužnica potvrđena dana 17.04.2026. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

M.M., rođen 2005. godine u Brčkom,

Što je:

Dana 12.02.2026. godine, u Brčko distriktu BiH, u ulici Mehmedagića, gdje ga je zajedno sa A.D. ispred Gradske galerije dovezao taksi prijevoznik Ž.S. i od njega zatražio da plati 26,80 KM na ime pružene usluge vožnje, u namjeri pribavljanja protivpravne imovinske koristi male vrijednosti, svjestan da oduzima tuđu pokretnu stvar, što je i htio, nakon što je A. radi plaćanja usluge prijevoza izvadio novčanicu u apoenu od 50,00 EUR, a Ž. izbrojao svoj novac namijenjen za vraćanje kusura u iznosu od 70,00 KM, u trenutku kada je A. pružio novčanicu radi plaćanja usluge od 26,80 KM, od Ž. oduzeo novčani iznos od 70,00 KM, odbio da plati pruženu uslugu taksi prijevoza i sa oduzetim novcem se trčećim korakom udaljio u nepoznatom pravcu, gdje se zaputio i A. sa novčanicom od 50,00 EUR u ruci, čime je za sebe pribavio protivpravnu imovinsku korist u iznosu od 70,00 KM, a za isti iznos oštetio Ž.S.,

dakle, tuđu pokretninu male vrijednosti oduzeo drugome, s ciljem da njenim prisvajanjem pribavi sebi protivpravnu imovinsku korist takve vrijednosti,

čime je učinio krivično djelo – Krađa – iz člana 280. stav (2) u vezi sa stavom (1) Krivičnog zakona Brčko distrikta BiH.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
